

INUIT ATAQATIGIIT INATSISARTUNI



UKA2022/124

Ulloq saqqummiivik: 12. Oktober 2022

Illit atit: Mariane Paviasen

Namminersorlutik Oqartussat Stockholmimi nunani tamalaani isumaqatigiisummut tunngatillugu Kalaallit Nunaannut nunamut nangaassuteqarneq atorunnaarsissagaat pillugu Inatsisartut aalajangiiffigisassa.

(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)

Naalakkersuisut nunat tamalaat Stockholmimi isumaqatigiisutaannut nunatta peqataalernissaannut nangaassuteqarnerup atorunnaarsinneqarnissaannut siunnersuuteqarneranut Inuit Ataqatigiinniit qujalluta ima oqaaseqarfigissavarput.

Nuannaarutigaarput nunatsinni mingutitsinermik annikillisaalluni ingerlatsiniarneq, ilannguffiginiarneqartutumit nunanit 184-inik ikinnerunngitsunit suleqatigiiffigineqartumut ilanngunnissaq anguniarneqarpoq. Isumaqatigiisut ukiuni 22-ini pioreersumi maanna uagut ilanngutsinniarneqaratta nuannaarutigaarput, nunarsuarmioqataagattami nunarsuatsinni pingaarutilinnik pinngortitamut avatangiisinullu mingutitsinaveersaarnermut suliniuteqarfiusunut ilaasarnissarput kingulissagut eqqarsaatigalugit peqataasarnissarput pisariaqavippoq.

Pineqartut tassaapput POP-inik taaguuteqartinneqartut, (Persistent organic pollutants) akuutissanit arrortikkuminaatsunit pinngoqqaatit peqqissutsimut ajoqusiisartut, uummassusilinni arriitsumik arrioriartortartuunerarneqartut, pinngoqqaatillu taakku pineqartut timmissani, uumasuni, imarmiuni

INUIT ATAQATIGIIT INATSIARTUNI



miluumasuni, aalisakkanilu naatsumik oqaatsigalugu uagut maani nunatsinni nerisarilluakkatsinni mingutsiterisuupput, kræfteqalissutaasinnaallutik, kinguaasiorsinnaanermut, ineriartornermullu sunniuteqarsinnaasuullutik.

Siunnersuutip uuma anguniarpaa mingutitsinaveersaarnelluni suleqatigiiffimmut peqataalernissarput tamannalu Inuit Ataqatigiinni isumaqatigilluinnarparput. Atortussiat inuit peqqissussaat avatangiisillu illersorneqarnissaannik siunertaqartumik isumaqatigiissut peqataaffiginngitsoorsinnaanngilarput, toqunartoqarnerat arrortikkuminaannerat nerisareqatigiinni annertusiartornerat pissutaalluni isumaqatigiissusiortoqartariaqarsimavoq.

Aningaasatigullu sunniutissaannut tunngatillugu saqqummiussami takusinnaavarput, aningaasaqarnikkut sunniutaasussanit sunniinerit uani peqqissutsikkut sunniutissat pineqarlutik sunniutissat pitsaasut annerusussaasut, ima paasillugu aningaasartuuteqartussaavugut kisianni peqqissutsikkut illersorneqarnissaq anguniarneqarmat pisariaqavippoq peqataalernissarput.

Taamaattorli siunnersuummi Aningaasanut sunniutissai saqqummiussami eqqartorneqartut Inuit Ataqatigiinni maluginiarparput nikingangaatsiartunik saqqummiussisoqartoq, pinngortitaq avatangiiserlu illersortariaqarparput taannaammammi inuussuterput, mingutserneqaannarunnaarsaanermut peqataanissaq, aningaasanik aamma naleqarpoq kingunissaami tassaavoq kingulissatta peqqinnarnerusumik inuuffeqarsinnaanissaat, nunarsuarpummi ataasiinaavoq allamillu taartissaqartinngilarput.

Aningaasanulli inatsisissami aappaagumut atuuttussami pisariaqarpoq aningaasatigut sunniutissat qulaajarluarneqarnerussasut isumaqarpugut,

INUIT ATAQATIGIIT INATSISARTUNI



anigaasatigummi kingunissat qularnannginnerusut nikingavallaanngitsut paaserusupparput, aappassaaneerneqarnissaannullu ataatsimiititaliamit misissorluarneqarumaartut kissaatigaarput.

Imali paasineqassanngilaq una siunnersuut akerlerigipput siunnersuut taparserparput qulaajaanissarli pisariaqarpoq.

Taamak oqaaseqarluta Inuit Ataqtigiinniit aningaasaqarnermut ataatsimiititaliamut ingerlateqqipparput.

Qujanaq.